

那些子 / January 23, 2013 11:35PM

[譬如大海，一人斗量，歷劫不止，尚可見底，況人求道精進不止，何求不得？何願不遂？ | 阿彌陀佛四十八願...
《佛說大阿彌陀經》](#)

◎譬如大海，一人斗量，歷劫不止，尚可見底，況人求道精進不止，何求不得？何願不遂？

~ 《佛說大阿彌陀經·卷上》，國學進士龍舒王日休校輯，([CBETA全文](#))

T12n0364_p0328c04(00)	四十八願分第六
T12n0364_p0328c05(00)	佛言。爾時法藏比丘。乃往一靜處其心寂然。
T12n0364_p0328c06(00)	俱無所著默坐思惟。攝取彼佛剎清淨之行。
T12n0364_p0328c07(00)	如彼修持。復詣佛所而白佛言。世尊。
T12n0364_p0328c08(02)	我已攝取二千一百萬佛剎。
T12n0364_p0328c09(08)	所以莊嚴國土清淨之行。願有敷陳惟佛聽察。彼佛告言。
T12n0364_p0328c10(03)	善哉汝可具說。諸菩薩眾聞汝志願因以警策。
T12n0364_p0328c11(02)	亦能於諸佛剎修習莊嚴。法藏白言。
T12n0364_p0328c12(05)	第一願我作佛時。我剎中無地獄餓鬼禽畜。
T12n0364_p0328c13(05)	以至蜎飛蠕動之類。不得是願終不作佛。第二願。
T12n0364_p0328c14(03)	我作佛時。我剎中無婦女。無央數世界諸天人民。
T12n0364_p0328c15(01)	以至蜎飛蠕動之類。來生我剎者。
T12n0364_p0328c16(05)	皆於七寶水池蓮華中化生。不得是願終不作佛。第三願。
T12n0364_p0328c17(00)	我作佛時。我剎中人欲食時。
T12n0364_p0328c18(06)	七寶鉢中百味飲食。化現在前。食已器用自然化去。
T12n0364_p0328c19(03)	不得是願終不作佛。第四願。我作佛時。我剎中人。
T12n0364_p0328c20(01)	所欲衣服隨念即至。不假裁縫漂染浣濯。
T12n0364_p0328c21(02)	不得是願終不作佛。第五願。我作佛時。
T12n0364_p0328c22(03)	我剎中自地以上至於虛空。
T12n0364_p0328c23(09)	皆有宅宇宮殿樓閣池流花樹。悉以無量雜寶百千種香而共合成。
T12n0364_p0328c24(00)	嚴飾奇妙殊勝超絕。其香普熏十方世界。
T12n0364_p0328c25(01)	眾生聞是香者皆修佛行。不得是願終不作佛。
T12n0364_p0328c26(00)	第六願。我作佛時。我剎中人。
T12n0364_p0328c27(05)	皆心相愛敬無相憎嫉。不得是願終不作佛。第七願。
T12n0364_p0328c28(01)	我作佛時。我剎中人。盡無[泳-永+(炎-火+(午/-))][泯瞋怒愚癡之心。
T12n0364_p0328c29(00)	不得是願終不作佛。第八願。我作佛時。
T12n0364_p0329a01(01)	我剎中人皆同一善心無惑他念。
T12n0364_p0329a02(05)	其所欲言皆豫相知意。不得是願終不作佛。第九願。
T12n0364_p0329a03(01)	我作佛時。我剎中人。皆不聞不善之名。
T12n0364_p0329a04(02)	況有其實。不得是願終不作佛。第十願。
T12n0364_p0329a05(03)	我作佛時。我剎中人。知身如幻無貪著心。
T12n0364_p0329a06(03)	不得是願終不作佛。第十一願。
T12n0364_p0329a07(08)	我作佛時我剎中雖有諸天與世人之異。而其形容皆一類金色。
T12n0364_p0329a08(00)	面目端正淨好無復醜異。
T12n0364_p0329a09(07)	不得是願終不作佛。第十二願。我作佛時。
T12n0364_p0329a10(07)	假令十方無央數世界諸天人民。以至蜎飛蠕動之類。
T12n0364_p0329a11(03)	皆得為人。皆作緣覺聲聞。皆坐禪一心。
T12n0364_p0329a12(05)	共欲計數我年壽。幾千億萬劫無有能知者。
T12n0364_p0329a13(05)	不得是願終不作佛。第十三願。我作佛時。
T12n0364_p0329a14(06)	假令十方各千億世界。有諸天人民。以至蜎飛蠕動之類。
T12n0364_p0329a15(00)	皆得為人。皆作緣覺聲聞。皆坐禪一心。
T12n0364_p0329a16(01)	
T12n0364_p0329a17(18)	共欲計數我剎中人數有幾千億萬無有能知者。不得是願終不作佛。第十四願。
T12n0364_p0329a18(03)	我作佛時。我剎中人壽命皆無央數劫。
T12n0364_p0329a19(05)	無有能計知其數者。不得是願終不作佛。第十五願。
T12n0364_p0329a20(01)	我作佛時。我剎中人。所受快樂。

T12n0364_p0329a21(05) 一如漏盡比丘。不得是願終不作佛。第十六願。
 T12n0364_p0329a22(03) 我作佛時。我剎中人住正信位。離顛倒想遠離分別。
 T12n0364_p0329a23(00) 諸根寂靜所止盡般泥洹。
 T12n0364_p0329a24(07) 不得是願終不作佛。第十七願。我作佛時。
 T12n0364_p0329a25(07) 說經行道十倍於諸佛。不得是願終不作佛。第十八願。
 T12n0364_p0329a26(02) 我作佛時。我剎中人盡通宿命。
 T12n0364_p0329a27(07) 知百千億那由他劫事。不得是願終不作佛。第十九願。
 T12n0364_p0329a28(02) 我作佛時。我剎中人盡得天眼。
 T12n0364_p0329a29(07) 見百千億那由他世界。不得是願終不作佛。第二十願。
 T12n0364_p0329b01(02) 我作佛時。我剎中人盡得天耳。
 T12n0364_p0329b02(07) 聞百千億那由他諸佛說法。悉能受持。不得是願終不作佛。
 T12n0364_p0329b03(00) 第二十一願。我作佛時。我剎中人得他心智。
 T12n0364_p0329b04(00) 知百千億那由他世界眾生心念。
 T12n0364_p0329b05(04) 不得是願終不作佛。第二十二願。我作佛時。
 T12n0364_p0329b06(03) 我剎中人盡得神足。於一念頃。
 T12n0364_p0329b07(08) 能超過百千億那由他世界。不得是願終不作佛。第二十三願。
 T12n0364_p0329b08(00) 我作佛時我名號聞於十方無央數世界。
 T12n0364_p0329b09(01) 諸佛各於大眾中。稱我功德及國土之勝。
 T12n0364_p0329b10(02) 諸天人民以至蜎飛蠕動之類。
 T12n0364_p0329b11(07) 聞我名號乃慈心喜悅者。皆令來生我剎。不得是願終不作佛。
 T12n0364_p0329b12(00) 第二十四願。我作佛時。我頂中光明絕妙。
 T12n0364_p0329b13(00) 勝如日月之明。百千億萬倍。
 T12n0364_p0329b14(06) 不得是願終不作佛。第二十五願。我作佛時。
 T12n0364_p0329b15(05) 光明照諸無央數天下幽冥之處。皆當大明。
 T12n0364_p0329b16(05) 諸天人民以至蜎飛蠕動之類。見我光明莫不慈心作善。
 T12n0364_p0329b17(00) 皆令來生我國。不得是願終不作佛。
 T12n0364_p0329b18(03) 第二十六願。我作佛時。十方無央數世界諸天人民。
 T12n0364_p0329b19(00) 以至蜎飛蠕動之類。蒙我光明觸其身者。
 T12n0364_p0329b20(01) 身心慈和過諸天人。不得是願終不作佛。
 T12n0364_p0329b21(02) 第二十七願。我作佛時。
 T12n0364_p0329b22(10) 十方無央數世界諸天人民。有發菩提心。奉持齋戒。行六波羅蜜。
 T12n0364_p0329b23(01) 修諸功德。至心發願欲生我剎。
 T12n0364_p0329b24(06) 臨壽終時我與大眾。現其人前引至來生。作不退轉地菩薩。
 T12n0364_p0329b25(00) 不得是願終不作佛。第二十八願。
 T12n0364_p0329b26(03) 我作佛時。十方無央數世界諸天人民。聞我名號。
 T12n0364_p0329b27(00) 燒香散花然燈懸繡。飯食沙門起立塔寺。
 T12n0364_p0329b28(01) 齋戒清淨益作諸善。一心繫念於我。
 T12n0364_p0329b29(04) 雖止於一晝夜不絕。亦必生我剎。不得是願終不作佛。
 T12n0364_p0329c01(00) 第二十九願。我作佛時。
 T12n0364_p0329c02(08) 十方無央數世界諸天人民。至心信樂欲生我剎。
 T12n0364_p0329c03(06) 十聲念我名號必遂來生。惟除五逆誹謗正法。
 T12n0364_p0329c04(05) 不得是願終不作佛。第三十願。我作佛時。
 T12n0364_p0329c05(06) 十方無央數世界諸天人民。以至蜎飛蠕動之類。前世作惡。
 T12n0364_p0329c06(00) 聞我名號即懺悔為善。奉持經戒願生我剎。
 T12n0364_p0329c07(00) 壽終皆不經三惡道徑遂來生。
 T12n0364_p0329c08(05) 一切所欲無不如意。不得是願終不作佛。第三十一願。
 T12n0364_p0329c09(00) 我作佛時。十方無央數世界諸天人民。
 T12n0364_p0329c10(02) 聞我名號。五體投地稽首作禮。
 T12n0364_p0329c11(07) 喜悅信樂修菩薩行。諸天世人莫不致敬。不得是願終不作佛。
 T12n0364_p0329c12(00) 第三十二願。我作佛時。
 T12n0364_p0329c13(07) 十方無央數世界有女人。聞我名號喜悅信樂。
 T12n0364_p0329c14(06) 發菩提心厭惡女身。壽終之後其身不復為女。
 T12n0364_p0329c15(05) 不得是願終不作佛。第三十三願。我作佛時。
 T12n0364_p0329c16(05) 凡生我剎者一生遂補佛處。惟除本願欲往他方。
 T12n0364_p0329c17(03) 設化眾生修菩薩行。供養諸佛即自在往生。

T12n0364_p0329c18(02) 我以威神之力令彼教化一切眾生皆發信心。
 T12n0364_p0329c19(01) 修菩提行。普賢行。寂滅行。淨梵行。最勝行。
 T12n0364_p0329c20(00) 及一切善行。不得是願終不作佛。
 T12n0364_p0329c21(03) 第三十四願。我作佛時。我剎中人欲生他方者。
 T12n0364_p0329c22(01) 如其所願不復墜於三惡道。
 T12n0364_p0329c23(07) 不得是願終不作佛。第三十五願。我作佛時。
 T12n0364_p0329c24(06) 剎中菩薩以香華旛蓋真珠纓絡種種供具。
 T12n0364_p0329c25(06) 欲往無量世界供養諸佛。一食之頃即可遍至。
 T12n0364_p0329c26(04) 不得是願終不作佛。第三十六願。我作佛時。
 T12n0364_p0329c27(03) 剎中菩薩欲萬種之物。供養十方無央數佛。
 T12n0364_p0329c28(02) 即自在前供養既遍。是日未午即還我剎。
 T12n0364_p0329c29(03) 不得是願終不作佛。第三十七願。我作佛時。
 T12n0364_p0330a01(02) 剎中菩薩受持經法。諷誦宣說。必得辯才智慧。
 T12n0364_p0330a02(00) 不得是願終不作佛。第三十八願。我作佛時。
 T12n0364_p0330a03(00) 剎中菩薩能演說一切法。
 T12n0364_p0330a04(07) 其智慧辯才不可限量。不得是願終不作佛。第三十九願。
 T12n0364_p0330a05(01) 我作佛時。剎中菩薩得金剛那羅延力。
 T12n0364_p0330a06(03) 其身皆紫磨金色。具三十二相八十種好。
 T12n0364_p0330a07(04) 說經行道無異於諸佛。不得是願終不作佛。第四十願。
 T12n0364_p0330a08(00) 我作佛時。剎中清淨照見十方無量世界。
 T12n0364_p0330a09(01) 菩薩欲於寶樹中。見十方一切嚴淨佛剎。
 T12n0364_p0330a10(02) 即時應現猶如明鏡睹其面相。
 T12n0364_p0330a11(07) 不得是願終不作佛。第四十一願。我作佛時。
 T12n0364_p0330a12(06) 剎中菩薩雖少功德者。亦能知見我道場樹高四千由旬。
 T12n0364_p0330a13(01) 不得是願終不作佛。第四十二願。我作佛時。
 T12n0364_p0330a14(00) 剎中諸天世人及一切萬物。
 T12n0364_p0330a15(06) 皆嚴淨光麗形色殊特。窮微極妙無能稱量者。
 T12n0364_p0330a16(05) 眾生雖得天眼不能辯其名數。不得是願終不作佛。
 T12n0364_p0330a17(02) 第四十三願。我作佛時。我剎中人隨其志願。
 T12n0364_p0330a18(01) 所欲聞法皆自然得聞。不得是願終不作佛。
 T12n0364_p0330a19(01) 第四十四願。我作佛時。
 T12n0364_p0330a20(09) 剎中菩薩聲聞皆智慧成神。頂中皆有光明語音鴻暢。
 T12n0364_p0330a21(05) 說經行道無異於諸佛。不得是願終不作佛。第四十五願。
 T12n0364_p0330a22(00) 我作佛時。他方世界諸菩薩。
 T12n0364_p0330a23(06) 聞我名號歸依精進。皆速得清淨解脫三昧。
 T12n0364_p0330a24(06) 住是三昧一發意頃。供養不可思議諸佛。而不失定意。
 T12n0364_p0330a25(01) 不得是願終不作佛。第四十六願。我作佛時。
 T12n0364_p0330a26(00) 他方世界諸菩薩。聞我名號歸依精進。
 T12n0364_p0330a27(02) 皆速得普等三昧。至于成佛。
 T12n0364_p0330a28(08) 常見無量不可思議一切諸佛。不得是願終不作佛。第四十七願。
 T12n0364_p0330a29(00) 我作佛時。他方世界諸菩薩。
 T12n0364_p0330b01(06) 聞我名號歸依精進。即得至不退轉地。不得是願終不作佛。
 T12n0364_p0330b02(00) 第四十八願。我作佛時。他方世界諸菩薩。
 T12n0364_p0330b03(00) 聞我名號歸依精進。
 T12n0364_p0330b04(09) 即得至第一忍第二忍第三法忍。於諸佛法永不退轉。
 T12n0364_p0330b05(05) 不得是願終不作佛。
 T12n0364_p0330b06(00) 願後說偈分第七
 T12n0364_p0330b07(00) 佛言。爾時法藏比丘發此願已。復說偈言。
 T12n0364_p0330b08(00) 我今對佛前 特發誠實願
 T12n0364_p0330b09(00) 如獲十力身 威德無能勝
 T12n0364_p0330b10(00) 復為大國王 富豪而自在
 T12n0364_p0330b11(00) 常施諸財寶 利樂於貧苦
 T12n0364_p0330b12(00) 盡令諸眾生 長夜無憂惱
 T12n0364_p0330b13(00) 發生眾善根 長養菩提果
 T12n0364_p0330b14(00) 我至成佛時 名聲超十方

T12n0364_p0330b15(00)	人天欣得聞 俱來生我刹
T12n0364_p0330b16(00)	我以智慧光 廣照無央界
T12n0364_p0330b17(00)	除滅諸有情 貪瞋煩惱暗
T12n0364_p0330b18(00)	地獄鬼畜生 亦生我刹中
T12n0364_p0330b19(00)	一切來生者 修習清淨行
T12n0364_p0330b20(00)	如佛金色身 妙相悉圓滿
T12n0364_p0330b21(00)	還以大慈心 普濟諸沈溺
T12n0364_p0330b22(00)	我於未來世 當作天人師
T12n0364_p0330b23(00)	百億世界中 說法師子吼
T12n0364_p0330b24(00)	一切聞音者 解悟復圓明
T12n0364_p0330b25(00)	又如過去佛 所生慈愍行
T12n0364_p0330b26(00)	度脫諸有情 已無量無邊
T12n0364_p0330b27(00)	我行亦如斯 咸使登覺岸
T12n0364_p0330b28(00)	此願若剋果 大千應震動
T12n0364_p0330b29(00)	虛空諸天神 必雨珍妙華

Edited 2 time(s). Last edit at 01/23/2013 11:54PM by 那些子.
